

Incumbensa Flütsch concernent la protecziun civila en il Grischun a partir dal 01-01-2026

Ils ultims onns e decennis è la Protecziun civila grischuna vegnida regularmain en acziun per superar catastrofes da la natira ed autras situaziuns d'urgenza. Pervia da la crisa da corona e sin basa da la convocaziun tras il Cussegl federal ha l'intervenziun da la protecziun civila, che dura anc adina, survegnì ina nova dimensiun: La protecziun civila è stada en acziun a medem temp sin l'entir territori chantunal, per part cun l'integraziun da tut las furmaziuns regiunalas sco er da bleras spezialistas e blers spezialists, ed ha gidà a superar la crisa da corona cun la mobilisaziun mintgamai pussaivla en regard a l'economia.

Cunzunt en vista al fatg ch'il sustegn da la protecziun civila vegn duvrà duraivlamain ed en tut il chantun, han las midadas da la Lescha federala dals 20 da december 2019 davart la protecziun da la populaziun e davart la protecziun civila (LPPC) consequenzas gravantas per la Protecziun civila grischuna. Per quest motiv ha il Cussegl grond concludì ils 8 da december 2020 ina revisiun parziala da la Lescha davart la protecziun civila dal chantun Grischun (Lescha da protecziun civila; DG 640.100) ed ha prolungà – per ina durada limitada – l'obligaziun da far servetsch da protecziun civila en il Grischun (fin al 40. onn da vegliadetgna) fin 5 onns suenter l'entrada en vigur da la revisiun parziala da la lescha federala.

Uschia è vegnidas stgaffidas las premissas temporalas per pudair reorganisar adequatamain la Protecziun civila chantunala e per preparar las midadas da las leschas appartegnentas.

En enconuschientscha da las stretgas da persunal imminetas, en spezial tar il cader e tar funcziuns spezializadas impurtantas, ed en il senn d'ina planisaziun prospectiva èsi impurtant ch'i vegnian prendidas mesiras per pudair sa fidar d'ina Protecziun civila grischuna che dispona d'avunda persunal e ch'è pronta a l'acziun, suenter la scadenza da la prolungaziun da l'obligaziun da far servetsch da protecziun civila la fin da l'onn 2025.

La Regenza vegn incumbensada d'impedir ils effectivs insuffizients imminents, en spezial en il sector dal cader sco er da las spezialistas e dals spezialists, suenter la scadenza da la prolungaziun da l'obligaziun da far servetsch da protecziun civila. En cas d'ina pandemia futura e d'auters eveniments – u da situaziuns d'urgenza che duran pli ditg – duai la protecziun civila esser abla da porscher ses sustegn en il rom actual. Er il sustegn da la protecziun civila a favur da manaschis publics e privats relevants per il sistem sto esser garantì. Per quest intent ston vegnir stgaffids ils mecanissem e las structurass necessarias, ed il spectrum da prestaziun da la Protecziun civila grischuna sto vegnir definì cleramain.

Cuira, ils 16 da favrer 2022

Flütsch, Tomaschett (Breil), Wilhelm, Berweger, Cahenzli-Philipp, Cantieni, Censi, Della Cà, Dürler, Engler, Felix, Hartmann-Conrad, Hitz-Rusch, Hohl, Holzinger-Loretz, Jochum, Kienz, Kunfermann, Kuoni, Maissen, Marti, Michael (Castasegna), Michael (Donat), Mittner, Müller (Favugn), Natter, Niggli (Samedan), Niggli-Mathis (Grüsch), Noi-Togni, Papa, Pfäffli, Rüegg, Schmid, Schutz, Stiffler, Tanner, Thomann-Frank, Thür-Suter, Weidmann, Wellig, Wieland